

100

100

辽金刻经

17

房山石经

赵櫟初题



中国佛教协会
中国佛教图书文物馆 编
华夏出版社 出版

圖書在版編目(CIP)數據

房山石經/中國佛教協會 中國佛教圖書文物館編.
—北京:華夏出版社,2000.5

ISBN 7-5080-1771-4

I. 房… II. 中… III. 佛經 IV. B94

中國版本圖書館CIP數據核字(1999)第11949號

房山石經(全三十冊)

編者 中國佛教協會

出版者 華夏出版社
(北京東直門外香河園北里四號 郵編 100028)

印刷者 北京機工印刷廠
北京建築工業印刷廠

出版年月 二〇〇〇年五月第一次印刷

定價 九千六百元

版權所有 翻印必究

《房山石经》编辑出版委员会

主 任 赵朴初
副主任 周绍良 刀述仁 王智钧 净 慧
黄炳章 萧秉权 姚长寿
编 委 任 杰 法 映 高文铸 王炳旻
张 伟 赵玉之 何 云 卢 浔
张泽西

编委会办公室主任 张 伟
编委会办公室副主任 姚长寿 邓秀成
编委会办公室成员 武子羽 李芝文 庄晓明
邓继武 张跃青 陈英树

责任编辑 高文铸 王炳旻 周国芳
技术编辑 李芝文

房山石经（辽金刻经） 目录

传

传字号 一部十二卷一帙 一百二十四石 二百四十六张

十地经论十二卷 天亲菩萨造 元魏北天竺三藏菩提留支等译……………一

辽 无刻石年代

载《南藏》「惻、造」、《北藏》、《径山藏》、《龙藏》「离、节」帙

声

声字号 三论十卷同帙 一百一十五石 二百二十四张

弥勒菩萨所问经论五卷 元魏天竺三藏菩提留支译……………一二五

辽 无刻石年代

载《南藏》「造」、《北藏》、《径山藏》、《龙藏》「颠」帙

大乘宝积经论四卷 元魏天竺三藏菩提流（留）支译……………一九一

辽 无刻石年代

载《南藏》「弗」、《北藏》、《径山藏》、《龙藏》「亏」帙

宝髻经四法忧波提舍一卷 元魏乌苁国三藏毗目智仙译……………一二三四

辽 无刻石年代

载《南藏》「弗」、《北藏》、《径山藏》、《龙藏》「静」帙

虚

虚字号 三论十卷同帙 七十八石 一百五十张

能断金刚般若波罗蜜多经论颂一卷 无著菩萨造 唐三藏法师义净奉制译……………二四〇

辽 无刻石年代

载《南藏》『次』、《北藏》、《径山藏》、《龙藏》『颠』帙

金刚般若论二卷 无著菩萨造 隋天竺三藏达摩笈多译……………二四二

辽 无刻石年代

参见《南藏》『次』、《北藏》、《径山藏》、《龙藏》『受』帙

佛地经论七卷 亲光等菩萨造 唐三藏法师玄奘奉诏译……………二五八

辽 无刻石年代

载《南藏》『次』、《北藏》、《径山藏》、《龙藏》『节』帙

堂

堂字号 五论十一卷同帙 八十六石 一百七十张

金刚般若波罗蜜经论三卷 天亲菩萨造 元魏天竺三藏菩提留支译……………三一八

辽 无刻石年代

载《南藏》『弗』、《北藏》、《径山藏》、《龙藏》『受』帙

能断金刚般若波罗蜜多经论释三卷 无著菩萨造颂 世亲菩萨释 三藏法师义净奉制译……………三四三

辽 无刻石年代

载《南藏》『弗』、《北藏》、《径山藏》、《龙藏》『亏』帙

金刚般若波罗蜜经破取著不坏假名论二卷 功德施菩萨造 唐中天竺国沙门地婆诃罗等奉敕於西太原寺译……………三六〇

辽 无刻石年代

文殊师利菩萨问菩提经论二卷 婆藪盘豆菩萨造 元魏天竺三藏菩提留支译……………三七六

辽 无刻石年代

上二论载《南藏》『离』、《北藏》、《径山藏》、《龙藏》『弗』帙

妙法莲华经论优波提舍一卷 婆藪盘豆菩萨造 元魏中天竺三藏勒那摩提共僧朗等译……………三九一

辽 无刻石年代

载《北藏》、《径山藏》、《龙藏》『亏』帙

妙法莲华经优波提舍二卷 天亲菩萨造 元魏天竺三藏菩提流(留)支等译……………四〇四

辽 无刻石年代

载《南藏》『离』、《北藏》、《径山藏》、《龙藏》『亏』帙

胜思惟梵天所问经论四卷 天亲菩萨造 元魏天竺三藏菩提流(留)支译……………四一九

辽 无刻石年代

载《南藏》『离』、《北藏》、《径山藏》、《龙藏》『弗』帙

涅槃论一卷略释涅槃经 天亲菩萨造 沙门达摩菩提译……………四四九

辽 无刻石年代

涅槃经本有今无偈论一卷 天亲菩萨造 陈世真谛三藏于广州译……………四五四

辽 无刻石年代

上二论载《南藏》『弗』、《北藏》、《径山藏》、《龙藏》『颠』帙

遗教经论一卷 天亲菩萨造 陈天竺三藏真谛译……………四五七

辽 无刻石年代

载《南藏》『离』、《北藏》、《径山藏》、《龙藏》『颠』帙

无量寿经优波提舍一卷 天亲菩萨造 元魏天竺三藏菩提留支译……………四七〇

辽 无刻石年代

转法轮经忧波提舍一卷 有释论无经本 天亲菩萨造 元魏天竺三藏毗目智仙译……………四七三

辽 无刻石年代

上二论载《南藏》『次』、《北藏》、《径山藏》、《龙藏》『颠』帙

三具足经忧波提舍一卷 元魏天竺三藏毗目智仙等译……………四七八

辽 无刻石年代

载《南藏》『造』、《北藏》、《径山藏》、《龙藏》『节』帙

十地經論序

侍中崔光作

傳

十地經者蓋是神覺之玄苑靈慧之妙宅億善之基與萬度之綱統理包羣藏之秘義冠衆典之興積漸心行窮忍學之源崇廣住德極道慧之府所以厚集肇憲朗成圓種離怖首念赫爲電威其爲教也微密精遠究淨照之宗融冶瑩練盡性靈之妙自寂場啓旭固林輟暉雖復聖訓充感金言滿世而淵猷冲蹟莫不網羅於其中矣至于光宣真軌融暢玄門始自信仁終泯空寂因果既周化業彌顯默耀大方影煥八極豈直日月麗天洞燭千象溟壑帶地混納百川而已哉既理富瀛岳局言靡測廓明洪旨寔係淵儒北天竺大士婆藪槃豆魏云天親挺高悟於像運拔英規於季俗故能齊蹤馬鳴繼跡龍樹每恨此經文約而義豐言近而旨遠乃超然遐邇邈余悠想慕釋迦之餘範追剛藏之遺軌誠復歲踰五百處非六天人梵乘遼正像差迥而妙契環中神協靡外通法貫玄莫愧往烈遂乃准傍大宗爰製茲論發趣精微根由獻哲旨與音殊宣譯俟賢固以義屬中興時憑聖伐大魏皇帝傳神天疑玄情漢遠揚治風於宇縣之外敷道化於千載之下每以佛經爲遊心之場釋典爲栖照之園搜隱訪缺務乎昭揚有教必申無籍不備以永平元年歲次玄枵四月上日命三藏法師北天竺菩提流支

十地經論一

二

傳

魏云道希中天竺勒那摩提魏云寶意及傳譯沙門北天竺伏陀扇多并義學縑儒一十餘人在太極紫庭譯出斯論十有餘卷斯二三藏並以邁俗之量高步道門群藏淵部同不研攬善會地情妙盡論旨皆手執梵文口自敷唱片詞隻說辯詣箴遺于時皇上親紆玄藻飛翰翰首臣僚僧徒毗贊下風四年夏首翻譯周訖洋洋臺臺莫得其門義富趣玄孰云窺測剛藏妙說更興於像世天親玄旨再光於李運忝廁末筵敢竊祗記

十地經論初歡喜地第一之一卷

元魏北天竺三藏菩提留支等譯

說此法門者及諸勸請法分別義藏人受持流通等法門等最勝頂禮解妙義欲令法久住自利利他故十地法門初地所攝八分一序分二三昧分三加分四起分五本分六請分七說分八校量勝分經日如是我聞一時婆伽婆成道未久第二七日在他化自在天中自在天王宮摩尼寶藏殿與大菩薩衆俱一切不退轉皆一生得阿耨多羅三藐三菩提從他方世界俱來集會此諸菩薩一切菩薩智慧境界悉得自在一切如來智慧境界悉皆得入勤行不息善能教化一切世間隨時普示一切神通等事於剎那中皆能成辦具足不捨一切菩薩所起大願於一切世一切劫一切國土常修一切諸菩薩行具足菩薩福德智慧如意神足而無

十地經論一 三 傳

窮盡能爲一切而作饒益能到一切菩薩智
慧方便彼岸能令衆生背世間道向涅槃門
不斷一切菩薩所行善遊一切菩薩禪定解
脫三昧神通明慧諸所施爲善能示現一切
菩薩無作自在如意神足皆悉已得於一念
須能至十方諸佛大會勸發諮請受持一切
諸佛法輪常以大心供養諸佛常能修習諸
大菩薩所行事業其身普現無量世界其音
遍聞無所不至其心通達明見三世一切菩
薩所有功德具足修習如是諸菩薩摩訶薩
功德無量無邊於無數劫說不可盡其名曰
金剛藏菩薩寶藏菩薩蓮華藏菩薩勝藏
菩薩蓮華勝藏菩薩日藏菩薩月藏菩薩淨
月藏菩薩照一切世間莊嚴藏菩薩智慧普
照明藏菩薩妙勝藏菩薩栴檀勝藏菩薩華
勝藏菩薩俱素摩勝藏菩薩優鉢羅華勝藏
菩薩天勝藏菩薩福德勝藏菩薩無礙清淨
智藏菩薩功德藏菩薩那羅延德藏菩薩無
垢藏菩薩離垢藏菩薩種種樂說莊嚴藏菩
薩大光明網照藏菩薩淨明勝照威德王藏
菩薩大金山淨光明威德王藏菩薩一切相
莊嚴淨勝藏菩薩金剛焰勝智相莊嚴藏菩
薩燄熾藏菩薩宿王光照藏菩薩虛空庫無
礙智藏菩薩無礙妙音遠藏菩薩陀羅尼功
德持一切世間願藏菩薩海莊嚴藏菩薩須
彌勝藏菩薩淨一切功德藏菩薩如來藏菩
薩佛勝藏菩薩解脫月菩薩如是等菩薩摩

十地經論一 四 傳

訶薩無量無邊阿僧祇不可思議不可稱不
可量無有分齊不可說不可說種種佛國土
集金剛藏菩薩而爲上首
論日時處等校量顯示勝故此法勝故在於
初時及勝處說此處宮殿等勝是名勝何
故不色界說此處感果故何故不初七日說
思惟行因緣行故本爲利他成道何故七日
思惟不說顯示自樂大法樂故何故顯已法
樂爲令衆生於如來所增長愛敬心故復捨
如是妙樂悲愍衆生爲說法故何故唯行因
緣行是因緣行顯示不共法故何故菩薩說
此法門爲令增長諸菩薩力故何故唯金剛
藏說一切煩惱難壞此法能破善根堅實猶如
金剛故不異名說何故名金剛藏藏即名堅
其猶樹藏又如懷孕在藏是故堅如金剛如
金剛藏是諸善根一切餘善根中其力最上
猶如金剛亦能生成人天道行諸餘善根所
不能壞故名金剛藏已說序分次說三昧分
經日余時金剛藏菩薩摩訶薩承佛威神入
菩薩大乘光明三昧
論日入三昧者顯示此法非思量境界故已
說三昧分次說加分
經日余時金剛藏菩薩承佛威神入是菩薩
大乘光明三昧即時十方過十億佛土微塵
數等諸佛世界有十億佛土微塵數諸佛皆
現其身同名金剛藏是諸佛如是讚言善哉
善哉金剛藏乃能入是菩薩大乘光明三昧

十地經論一 五 傳

復次善男子如是十方十億佛土微塵數等諸佛皆同一号加汝威神此是靈舍那佛本願力故加
論曰何故多佛加顯法及法師增長恭敬心故何故同号金剛藏加本願力故何故如來作如是願顯示多佛故此三昧是法體本行菩薩時皆名金剛藏同說此法今成正覺亦名金剛藏故不異名加又是菩薩聞諸如來同已名已增踊悅故何故不言過無量世界方便顯多佛故何故定言十億佛土為說十地故此經如是多說十數彼佛先作是願今復自加後餘佛加故言靈舍那佛本願力故加何故加為說此法故加復云何加
經曰又一切菩薩不可思議諸佛法明說今入智慧地故攝一切善根故善分別選擇一切佛法故廣知諸法故善決定說諸法故無分別智清淨不雜故一切魔法不能染故出世間法善根清淨故得不可思議智境界故乃至得一切智人智境界故又得菩薩十地始終故如實說菩薩十地差別方便故念隨順一切佛法故觀達分別無漏法故善擇大智慧光明方便故令入具足智門故隨所住處正說無畏辯才明故得大無礙智地故憶念不忘菩提心故教化成就一切衆生界故得通達分別一切處法故
論曰此二十句依一切菩薩自利利他故加如是初十句依自利行後十句依利他行是

十地經論一 六 傳

中一切菩薩者謂住信行地不可思議諸佛法者是出世間道品明者見智得證說者於中分別入者信樂得證智慧地者謂十地智如本分中說此是根本入如經又一切菩薩不可思議諸佛法明說今入智慧地故此脩多羅中說依根本入有九種入一者攝入聞慧中攝一切善根故如經攝一切善根故二者思義入思慧於一切道品中智方便故如經善分別選擇一切佛法故三者法相入彼彼義中無量種種智故如經廣知諸法故四者教化入隨所思義名字具足善說法故如經善決定說諸法故五者證入於一切法平等智見道時中善清淨故如經無分別智清淨不雜故菩薩教化衆生即是自成佛法是故利他亦名自利六者不放逸入於修道時中遠離一切煩惱障故如經一切魔法不能染故七者地地轉入出世間道品無貪等善根淨故如經出世間法善根清淨故復有善根能為出世間道品因故八者菩薩盡入於第十地中入一切如來秘密智故如經得不可思議智境界故九者佛盡入於一切智人智故如經乃至得一切智人智境界故是諸入為校量智義差別次第轉勝非根本入一切所說十句中皆有六種差別相門此言說解釋應知除事事者謂陰界入等六種相者謂總相別相同相異相成相壞相摠者是根本入別者餘九入別依止本滿彼本故同相

十地經論一 七 傳

者入故異相者增相故成相者略說故壞相者廣說故如世界成壞餘一切十句中隨義類知第二十句所謂得菩薩十地始終故此根本始終是中始者信欲親近等終者念持諸地復有阿含及證如是次第依初相應知依根本始終有十種始終一者攝始終思慧智隨所聞義受持說故如經如實說菩薩十地差別方便故二者欲始終令證一切佛法故如經念隨順一切佛法故三者行始終觀分時中無漏道品分別修相覺故如經觀達分別無漏法故四者證始終見道時中法無我智方便故如經善擇大智慧光明方便故是中善擇者擇中最勝最勝者法無我智故大智慧者過小乘故光明者對治無明故此事中彼時中皆善知故五者修道始終出世間智智力得入法義故如經今入具足智門故此處菩薩於菩提有五種障一者不能破諸邪論障已說正義他言能壞復眷屬離散二者不能答難障於他問中茫然無對設有言說人不信受三者樂著小乘障自不能得大菩提復捨利益眾生四者化眾生懈怠障於中捨利他行不助他善復自善根不增長故五者無方便智障不能善化眾生復自菩提行不滿足故對治是障有五始終一者能破邪論障始終隨彼所著顯已正義對治邪執無畏辯才性不闇故如經隨所住處正說無畏辯才明故二者能善答難始終證大無

十地經論一 八 傳

礙智地故如經得大無礙智地故三者樂著小乘對治始終大菩提願大菩提念不忘失故如經憶念不忘菩提心故四者化眾生懈怠對治始終利益眾生無疲倦故如經教化成就一切眾生界故五者無方便智對治始終於五明處通達分別故如經通達分別一切處法故已說何故加復云何加謂口意身加云何口加經曰復次善男子汝當辯說此諸法門差別方便法故承諸佛神力如來智明加故自善根清淨故法界淨故饒益眾生界故法身智身故正受一切佛位故得一切世間最高大身故過一切世間道故出世間法道清淨故得一切智人智滿足故論曰此十句中辯才者隨所得法義憶持不忘說故諸法門者謂十地法差別者種種名相故此法善巧成是故名方便依根本辯才有二種辯才一者他力辯才二者自力辯才他力辯才者承佛神力故云何承佛神力如來智力不闇加故如經承諸佛神力如來智明加故自力辯才者有四種一者有作善法淨辯才如經自善根清淨故二者無作法淨辯才如經法界淨故三者化眾生淨辯才如經饒益眾生界故四者身淨辯才是身淨中顯三種盡一者菩薩盡有二種利益二者聲聞辟支佛不同盡三者佛盡菩薩盡者法身離心意識唯智依止如經法身智身故二種利益

十地經論一 九 傳

者現報利益受佛位故後報利益益魔醯首羅
智處生故如經正受一切佛位故得一切世間
最高大身故二乘不同盡者度五道復涅槃
道淨故如經過一切世間道故出世間法道
清淨故佛盡者入一切智智滿足故如經得
一切智人智滿足故自力辯才校量轉勝上
上故已說口加云何意加
經曰今時諸佛與金剛藏菩薩真實無畏身
與無障礙樂說辯才與善淨智差別入與善
憶念不忘加與善決定意方便與遍至一切
智處與諸佛不壞力與如來無所畏不怯弱
與一切智人智無礙分別法正見與一切如
來善分別身口意莊嚴起故
論曰此十句意加無畏身者有二種一者與
無上勝威德身如王處衆自在無畏二者與
辯才無畏身前身勝後名身勝是名身有
九種一者不著辯才說法不斷無滯礙故如
經與無障礙樂說辯才故二者堪辯才善淨
堪智有四種一者緣二者法三者作四者成
善知此義成不成相故如經與善淨智差別
入故三者任放辯才說不待次言詞不斷處
處隨意不忘名義故如經與善憶念不忘加
故是不忘加意力加故四者能說辯才隨所
應度種種譬喻能斷疑故如經與善決定意
方便故五者不離辯才三種同相智常現前
故如經與遍至一切智處故六者教出辯才
得佛十力不壞於可度者今斷煩惱故如經與

十地經論一 十 傳

諸佛不壞力故七者不畏辯才得佛決定無
畏於他言說不怯弱故如經與如來無所畏
不怯弱故八者無量辯才於一切智隨順宣
說脩多羅等法六種正見故如經與一切智
人智無礙分別法正見故九者同化辯才得
一切佛無畏身等三種教化隨所度者顯示
殊勝三業神化故如經與一切如來善分別
身口意莊嚴起故又諸佛有力有慈悲何故
以十種無畏身唯加金剛藏而不加餘者
經曰何以故以得菩薩大乘光明三昧法故
亦是菩薩本願起故善淨深心故善淨智
圓滿故善集助道法故善修本業故念持無
量法故信解清淨光明法故善得陀羅尼門
不壞故法界智印善印故
論曰以是菩薩得大乘光明三昧法餘者不
得故得三昧法有二種一者本願成就現前
故如經亦是菩薩本願起故二者三昧身攝
功德故此三昧身攝功德有八種依自利利
他故一者因淨深心趣菩薩地盡清淨故如
經善淨深心故深心者信樂等復是一切善
法根本故二者智淨趣菩薩地盡修道真如
觀智故如經善淨智圓滿故此真如觀內智
圓滿普照法界猶如日輪光遍世界故三者
身轉淨生生轉勝善行圓滿故如經善集助
道法故四者心調伏淨善斷煩惱習故如經
善修本業故五者聞攝淨堪能受持一切如
來所說秘密法故如經念持無量法故六者

十地經論一 十一 傳

通淨得勝通自在故如經信解清淨光明法
故以決定信力攝取通故七者辯才淨善知
陀羅尼門不相違故如經善得陀羅尼門不
壞故於中所有初章字者是陀羅尼門一一
字門攝持無量名句字身故不壞者前後不
相違故八者離慢淨謂真實智教授不異故
如經法界智印善印故於中三昧身攝功德
有四種依自利因善淨深心故善淨智圓滿
故善集助道法故善修本業故此脩多羅中
四句次第說精進因不忘因勢力因彼不深
因復依利他因有四種念持無量法故斷疑
因信解清淨光明法故敬重因以神通力示
現不思議處今諸見者決定信入故善得陀
羅尼門不壞故轉法理因法若壞時假餘尊
法誦持故法界智印善印故教授出離因如
是化者得自利不忘故已說意加云何身加
摩頂覺故
經曰今時十方諸佛不離本處以神通力皆
申右手善摩金剛藏菩薩摩訶薩頂
論曰不離本處而摩此者顯示殊勝神力若
來此處則非奇異是如意通力非餘通已說
加分云何起分
經曰諸佛摩金剛藏菩薩頂已今時金剛藏
菩薩即從三昧起
論曰即從三昧起者以三昧事訖故又得勝
力說時復至定無言說故已說起分云何
本分

十地經論一 十二 傳

經曰起三昧已告諸菩薩言諸佛子是諸菩
薩願善決定無難不可見廣大如法界究竟
如虛空盡未來際覆護一切衆生界佛子是
諸菩薩乃能入過去諸佛智地乃能入未來
諸佛智地乃能入現在諸佛智地諸佛子此
菩薩十地是過去未來現在諸佛已說今說
當說我因是事故如是說何等為十一名歡
喜地二名離垢地三名明地四名焰地五名難
勝地六名現前地七名遠行地八名不動地九
名善慧地十名法雲地諸佛子此菩薩十地
過去未來現在諸佛已說今說當說佛子我
不見有諸佛世界是諸如來無不歎說此菩
薩十地者何以故此是菩薩摩訶薩增上勝
妙法故亦是菩薩光明法門所謂分別十地
事諸佛子是事不可思議所謂菩薩摩訶
薩諸地智慧
論曰何故不請而說若不自說衆則不知為
說不說又復不知欲說何法願善決定者如
初地中說發菩提心即此本分中願應知善
決定者真實智攝故善決定者即是善決定
此已入初地非信地所攝此善決定有六種一
者觀相善決定真如觀一味相故如經無雜
故二者真實善決定非一切世間境界出世
間故如經不可見故三者勝善決定大法界
故一切佛根本故如經廣大如法界故大勝
高廣一體異名法相義故一切法界故復
法界大真如觀勝諸凡夫二乘智等淨法法

十地經論一 十三 傳

介故復法界大方便集地謂說大乘法法介
故復法界大白法界善法法介故四者因善
決定有二種一成無常愛果因善決定是因
如虛空依是生諸色色不盡故如經究竟如
虛空故二常果因善決定得涅槃道如經盡
未來際故五者大善決定隨順作利益他行
如經覆護一切衆生界故次前善決定此願
世間涅槃中非一向住故六者不怯弱善決
定入一切諸佛智地不怯弱故如經佛子是
諸菩薩乃至入現在諸佛智地故復此十地
生成佛智住持故如經諸佛子此菩薩十地
是過去未來現在諸佛已說今說當說故於
中善決定者是揔相餘者是別相同相者善
決定異相者別相故成相者是略說壞相者
廣說故如世界成壞何故定說菩薩十地對
治十種障故何者十障一者凡夫我相障二
者邪行於衆生身等障三者闇相於聞思修
等諸法忘障四者解法慢障五者身淨我慢
障六者微煩惱習障七者細相習障八者於
無相有行障九者不能善利益衆生障十者
於諸法中不得自在障何故十地初名歡喜
乃至十名法雲成就無上自利利他行初證
聖處多生歡喜故名歡喜地離能起誤心犯
戒煩惱垢等清淨戒具足故名離垢地隨聞
思修等照法顯現故名明地不忘煩惱薪智
火能燒故名皖地得出世間智方便善巧能
度難度故名難勝地般若波羅蜜行有聞大

十地經論一 十四 傳

智現前故名現前地善修無相行功用究竟
能過世間二乘出世間道故名遠行地報行
純熟無相無間故名不動地無礙力說法成
就利他行故名善慧地得大法身具足自在
故名法雲地如是受法王位猶如太子於諸
王子而得自在是處有微智障故不自在對
治此障故說佛地又如懷孕在藏菩薩十地
亦復如是以諸地有障故如子生時佛時亦
於一切境界智明了故藏有十時一者陀羅
婆身時二者髻羅婆身時三者尸羅他身時
四者堅身時五者形相相似色身時六者性相
似身時七者業動身時八者滿足身時於中
有三種根滿足時男女相別滿足時廣長諸
相滿足時如是十時諸地相似故佛子我不
見有諸佛世界是諸如來不歎說此菩薩十
地者顯此勝法爲今時衆增渴仰故佛世界
者於中成佛喻如稻田往作佛事者亦召佛
世界歎說者於中有二種一者爲說阿含義
二者爲證入義摩訶薩者有三種大一願大
二行大三利益衆生大勝妙法者謂法門中
最殊勝故光明者此大乘法顯照一切餘法
門故法門者名爲法故分別十地事者顯示
世間智所知法故是事不可思議所謂菩薩
摩訶薩諸地智慧者顯示出世間智故此非
世間分別地智能成菩薩清淨道故已說本
分云何請分

十地經論一 十五 傳

經曰今時金剛藏菩薩說諸菩薩十地名已
默然而往不復分別是何時一切菩薩眾聞說
菩薩十地名已咸皆渴仰欲聞解說各作是
念何因何緣是金剛藏菩薩說諸菩薩十地
名已默然而往不更解釋時大菩薩眾中有
菩薩名解脫月知諸菩薩心深生疑已即以
偈頌問金剛藏菩薩曰

何故淨覺人念智功德具說諸上妙地有力不解釋
決定此一切菩薩大名稱何故說地名而不演其義
此眾皆樂聞佛子智無畏如是諸地義願為分別說
此眾皆清淨離懈怠嚴淨安住堅固中功德智具足
遮共相瞻住一切咸恭敬如蜂欲熟蜜如渴思甘露
論曰何故默然住欲令大眾渴仰請說故復
增菩薩尊敬法故何故解脫月菩薩初請彼
眾上首故餘問則亂眾調伏故何故偈頌請
少字攝多義故諸讚歎者多以偈頌故此五
偈說何等義顯示說者聽者無諸過故若有
過者則不應說是中顯示說者淨覺無過故
復顯聽者同法決定故有樂聞故復示餘者
淨心故又顯此眾皆堪聞法故偈言遮共相
瞻住故云何歎說者偈言

何故淨覺人念智功德具說諸上妙地有力不解釋
何故唯歎淨覺淨覺是說因故覺名覺觀是
口言行有淨說因何故不說歎淨覺有二種
一攝對治二離諸過是中念智具者攝對治
故所治有二種一者雜覺二者雜覺因憶想
分別故念者四念處對治雜覺故智者真如

十地經論一 十六 傳

無相智對治雜覺因憶想分別故餘者顯示
離諸過是過有三種有三過者則不能說何
者為三一慳嫉二說法懈怠三不樂說慳者
其心怯法嫉者忌他勝智功德具者不瞋等
功德具示無初過故說上地者示無第二過
故有力者示無第三過故如是二種淨覺歎
說者已次歎聽者偈言

決定此一切菩薩大名稱何故說地名而不演其義
決定者默慧明了故決定有三種一上決定願
大菩提故二名聞決定他善敬重故三攝受
決定彼說者善知故偈言菩薩故大名稱故
說他名故如是次第應知雖有決定堪受法
器心不欲聞亦不得說偈言

此眾皆樂聞佛子智無畏如是諸地義願為分別說
決定者是有阿含決定非證決定有非現
前決定無現前決定如是決定法器不滿足
故不能聽受示現此眾具足決定故能聽受
偈言佛子智無畏故智有二種一證法故二
現受故如是善知法器滿足請金剛藏如是
諸地義願為分別說已歎同法眾決定樂聞
功德次復歎異眾偈言

此眾皆清淨離懈怠嚴淨安住堅固中功德智具足
清淨者不濁故濁有六種離此諸濁故言清
淨何者為六一不欲濁二威儀濁三蓋濁四
異想濁妬勝心破壞心故五不足功德濁善根
微少故是故於彼說中心不樂住六癡濁謂
愚闇等故此對治有六種不濁安住堅固者

十地經論一 十七 傳

於所說法修行堅固如是次第相對離懈怠者對不欲濁嚴者對威儀濁淨者對蓋濁堅固者對異想濁功德具者對不足功德濁智具者對癡濁此六句示現是二偈顯同生衆淨次一偈顯異生衆淨後一偈顯二衆清淨偈言

遮共相瞻住一切咸恭敬如蜂歛熟蜜如渴思甘露遮共相瞻者示無雜染心故咸恭敬者示敬重法非妬心故下半偈喻敬法轉深此偈遮共相瞻是總相一切咸恭敬是別相如是餘偈初句總相餘句別相同異成壞如上所說經偈言

大智無所畏金剛藏聞已欲令大衆悅即時說頌言難第一希有菩薩所行示地事分別上諸佛之根本微難見離念非心地難得境界智無漏若聞則迷悶持心如金剛深信佛智慧心地無我智能聞智微細如彩畫虛空如虛空風相智如是分別難見佛無漏我念佛智慧第一世難知難信希有法是故我默然論曰此初偈中欲令大衆悅是總正訓答相訓答有二種一堪訓答二不怯弱訓答偈言大智故無所畏故離不堪答離不正答此二示現自他無過故何者是正答相比法難說復難聞故云何難說偈言

難第一希有菩薩所行示地事分別上諸佛之根本難者難得故難有二種一最難二未曾有難偈言第一故希有故此二示現所說難何者是難偈言菩薩所行示地事分別上菩薩行

十地經論一 十八 傳

者是出世間智示者顯示故地事者謂諸地菩薩行事分別上者說勝故何者菩薩行偈言諸佛之根本佛者覺佛智故已說難說復說所以難何者是難被菩薩行事義住不可如是說云何彼義住偈言

微難見離念非心地難得境界智無漏若聞則迷悶此偈中難得者是總餘者是別難得者難證故是難得有四種一微難得二難見難得三離念難得四非心地難得微難得者非聞慧境界故麁事不須思惟難見難得者非思慧境界故離念難得者非世間修慧境界故示現三界心心數法分別世間修智非境界故非心地難得者示現報生善得修智非境界故此示現境界者是心地此誰境界偈言智境界何者是智見實義故何故非餘境界無漏故無漏者出世間義是義非世間智境界如是甚深義如是可解如是不可說若聞則迷悶者云何迷悶隨聞取著故聞者即聞非是不聞已辯難說復顯難聞偈言持心如金剛深信佛智慧心地無我智能聞智微細如金剛者堅如金剛堅有二種一決定信堅二證得堅此三句示現堅者是總餘者是別云何深信佛智慧唯佛所知非我境界佛菩提無邊佛化衆生所說法門種種信故何者是心地云何無我智心地者隨心所受三界中報又隨心所行一切境界亦名心地無我智者有二種我空法空如實智故能聞智微細